



Inatsisartunut ilaasortaq  
Suka K. Frederiksen, Siumut

**Naqinnernik ilisarinnissinnaangitsut pillugit § 37 naapertorlugu apeqqtinut nr. 235-mut akissut**

22-09-2015  
Sagsnr. 2015 - 459  
Dok. nr. 1121325

Asasara Suka K. Frederiksen

Postboks 1029  
3900 Nuuk

Naqinnernik ilisarinnissinnaangitsut pillugit apeqqtinnut Naalakkersuisut qutsavigaatsit.

Tlf: +299 34 50 00  
Fax: +299 32 20 73  
Email: [iiknn@nanoq.gl](mailto:iiknn@nanoq.gl)  
[www.nanoq.gl](http://www.nanoq.gl)

1. **Naqinnernik ilisarinnissinnaangitsut nalunaarsorneqarneq ajorput, ilinniaqqiffinnut ingerlaqqittarneri ilisimaneqanngillat, atuartitaanerallu naalakkersuisunit akisussaaffineqanngimmat nakkutigineqarani. Taamaattumik Naalakkersuisunit ilisimaneqarpa Kommuunit akisussaasut piginnittuusullu killiffik pillugu qanoq isummernersut?**

**Akissut:** Naalakkersuisut nalornissutigaat aperisup sunarpiaq pineraa aamma apeqqtup kalaallisuaa qallunaatullu nutsernera imminnut naapertuuteqqissaarsorinanngimmata. Apeqqtigineqarpat kommunit atuartunik allanniarnikkut atuarniarnikkullu artorsaateqartunik atuartitsinermut tunngasutigut akisuussaaffitsik ilisimaneeraat, Naalakkersuisut isumaqarput kommunit ilisimagaat tassunga akisussaasuullutik.

- a) **Suna patsisigalugu tamaanga killittoqarnersoq kommuunit qanoq isumaqarpat?**

**Akissut:** Naalakkersuisut soorunami kommunit sinnerlugit akissuteqarsinnaanngillat. Naalakkersuisulli ilimagaat kommunit atuartunut immikkut pisariaqartitsisunut, tassunga ilaallutik naqinnernik ilisarinnissinnaangitsut (dysleksi) kiisalu atuarniarnermik allanniarnermillu artorsaateqartunut atuartitsineq ajornakusoortittaraat ilaatigut ilinniartitsisunik naleqquttumik immikkut atuartitsinermut ilinniarsimasunik imaluunniit pikkorissarlutillu ilinniaqqissimasunik amigaateqarnerujussuaq peqqutigalugu. Taassuma saniatigut § 37 naapertorlugu apeqqtinnut (2015/199) akissutigineqareersutut naqinnernik ilisarinnissinnaangitsunut misiliutinik kalaallisuunik ullutsinnut naleqquttunik naammassillugu suli inerisaasoqarsimangilaq.

**2. Naalackersuisoq kommuunit peqatigalugit iliuusissanik ujartuivoq, ima paasissavarput kommuunit oqartusaaffitsik artulersimammasuk Naalackersuisunit akuliuttoqartoq?**

**Akissut:** Naalackersuisut apeqqut qanoq paasineqassanersoq nalornissutigaaat. Naalackersuisulli soorlu siusinnerusukkut § 37 naapertorlugu apeqqutinnut (2015/199) allattut, susassaqartunik pisarialinnit tamanik, aamma kommuninik inuit atuarniarnermik allanniarnermillu artorsaateqartut atugaat pitsanngorsarniarlugit suleqatiginninniarpur.

**a) taamaassimappat, atuarfiit oqartussaaffigineqarneri qitiusumut utertinniarneqarnerlutik?**

**Akissut:** Kommuniniit atuarfeqarfimmik tigusinissamik Naalackersuisut maannakut pilersaaruteqanngillat. Naalackersuisummi namminneerlutik atuarfeqarfimmik tigusiinnarsinnaanngillat, inatsisartut inatsisiliortuusut tassunga tunngasumik inatsisitigut allannguutissanik akuerseqqaartussaammata.

**b) Taamaassimangippat, ungasinnerusumut isigaluni killiffik tikinneqaqqissanngippat tamanna qanoq qulakkearniarneqarpa?**

**Akissut:** Siusinnerusukkut akissummi taaneqareersutut llinniartitaanermut aqutsisoqarfik (Inerisaaviusimasoq) atortussanik pisarialinnik inerisaaleruttorpoq soorlu aamma suleqatigiissitamik suliasamik assigiinngitsutigut qulaajaasussamik pilersitsisoqassasoq.

**3. Naalackersuisup akissuteqaataani atuarneqarsinnaavoq kommuunit peqatigalugit nakkutilliinerat ileqquilu iliuuseqarfiginiarneqartut, ima paasissavarput, kommuunit akisusaaffigisartik naammassinnaanngimmassuk "arsarneqalersut"?**

**Akissut:** Naalackersuisut atuarfik pillugu inatsimmi § 3, imm. 1. naapertorlugu atuartitsinerup pitsaassusianik naliliinissamik aamma atuartitsinerup pitsaassusianik nalileeriaatsinik aallaavissanik kommunalbestyrelse suleqatigalugu atuarfiup siunertaa tunngavialu naammassineqarsimanersut takuniarlugu piumasaqarsinnaapput. Taasuma saniatigut Naalackersuisut § 37. imm. 1. malillugu kommuunit Inatsisartut inatsisaannik ingerlatsinerat nakkutigissavaat. Naalackersuisut kommunalbestyrelsi paasissutissanik inatsisartut inatsisaat naapertorlugu suliasamik isumaginissaannut pisariaqartutut isigisaminnik piumaffigisinnaavaat. (§ 37, imm. 2). Naalackersuisut taamaattumik kommuunit namminneerlutik nakkutilliisussaaneramik arsaarnianngilai. Naalackersuisut akerlianik kommuunit suleqatigalugit nakkutilliineq suleqatigiinnerlu pitsanngorsarniarpaat, kommuunit taamaalillutik meeqqat atuarfiat pillugu inatsimmi aalajangersakkat naammassisinnaaniassammatigit.

**a. Taamaattoqarpat, kommuunit arsaarneqarnissartik qanoq isummerfigaat?**

**Akissut:** Siuliani akissut takuuk.

**b. Taamaattoqangippat, naalackersuinikkut akuliuttariaqalerneq qanoq paasineqassava?**

**Akissut:** Siuliani akissut takuuk.

**4. Naqinnernik ilisarinnissinnaanngitsut allat assigalugit pisinnaatitaaffeqarput, taamaattoq ilinniartitsisoqarnikkut immikkut pisariaqartitsinerat aatsaat ukiorpaaluit qaangiuppata matussuserneqarsinnaalluni. Ilinniarfissuup immikkut atuartitsinermit ingerlatariligaasa saniatigut immikkut aaqqissuussinissamik suliniuteqartoqarniarpa?**

**Akissut:** Naalackersuisut isumaqarput atuarniarnermut allanniarnermullu tunngasunik toraagalimmik iliuuseqarnissaq suliniutinik aaqqissuulluakkanik eqqarsaatigilluakkanillu tunuliaqutaqartariaqartoq. Inersimasunut atuarniarnermik ajornartitsisunut iliuuseqarnermik aallartisaatinnani ingerlatitinnanilu assersuutigalugu suliniummi peqataatinneqarsinnaasut taakkualu pisariaqartitaat qulaajarneqaaqqaartariaqarput suussusersineqarlutillu, ilinniartitsisut naqinnernik ilisarinnissinnaanngitsunut atuartitsinissamut piginnaasaqartut pisarsiarineqartariaqassapput ilinniarteqqeqqaarneqassallutilluunniit, atuartitsinermit atortussanik periutsinillu inerisaasoqartariaqarluni, pikkorissaanissanik assigisaannillu ingerlatsisuusinnaasunik suleqatigiinnissamik isumaqatigiissusiortoqassalluni soorlu aamma kommunit Namminersorlutillu oqartussat akornanni suliassanik agguataarinissamik aalajangersaasoqaaqqaartariaqartoq. Taassuma saniatigut aningaasartuutissanut missingersuusiortoqassaaq suliassanullu kommunini namminersorlutillu oqartussani aningaasanik nassaarniartoqartariaqarluni. Maannakkut siunertamut taamaattumut aningaasanut inatsimmi aningaasanik immikkoortitsisoqangilaq. Taamaammat, siuliani akissutigineqartumi eqqaaneqartut, Naalackersuisut ajornartorsiutip annertussusaanik qulaajaasussamik suleqatigiissitamik kingornalu atuarniarnikkut allanniarnikkullu ajornartorsiutilinnut suliniutissat qanoq suliarineqarnissaanik innersuussusiortussamik pilersitseqqaarniarput.

**a. Taamaattoqarsimappat, qanoq pilersaarusiortoqarpa?**

**Akissut:** Siuliani akissut takuuk.

**b. Taamaattoqarsimangippat, sooq sukkanerusumik aaqqiissuteqarnissaq ujartorneqangila?**

**Akissut:** Siuliani akissut takuuk.

5. **Naalackersuisut akissuteqaataani atuarneqarsinnaavoq: Misiliutitut suliniutitik aallarnisaasoqarsimagaluartoq, sulialli aallartilaarnerini paasinarsisimavoq pilersaarutit ilaasa pingaarnertaat, aningaasatigut sinaakkutissatigullu pilersinnissaat piviusorsiortuunngitsut**  
**a) Sinaakkutit piviusorsiunngitsut suuppat?**

**Akissut:** Suliniummut aningaasaliisoqartinnagu, qulaajaanissamut atuartitsinissamullu inuttaliisoqartinnagu, suliniummut pilersaarusiortoqartinnagu aningaasartuutissanullu missingersuusiortoqartinnagu, ilinniartitsinerimi atortussanik inerisaasoqartinnagu il.il. piviusorsiunngilaq suliniutitik tigussaasunik aallarnisaanissaq.

**Aningaasat qanoq annertutigisut pineqaramik?**

**Akissut:** Suleqatigiissitap apeqquterpassuit qulaajagassaasa taanna ilagaat.

Inussiarnersumik inuulluaqqusilluta

Nivi Olsen